

律

陸士衡文集卷七目錄

卷七目錄

樂府十首

折楊柳

鞠歌行

當置酒

健仔怨

燕歌行

悲哉行

梁甫吟

董桃行

月重輪行

日重光行

挽謔三首

百年歌十首

雜著

秋胡行

順東西門行

上留田行

隴西行

駕言出北闕行

太山吟

權歌行

東武行吟

飲酒樂

卷七目終

陸士衡文集卷之七

晉陸機士衡著

明徐日曦閻仲閱

樂府十首

折楊柳

邈矣垂天景壯哉奮地雷豐隆豈久響華光但
西墮日落似有竟時逝恒若催仰悲朗月運坐

觀璇蓋迴盛門無再入衰房莫苦開人生固已
短出處鮮爲諧慨慨惟咎人興此千載懷升龍
悲絕處葛藟變條枚寤寐豈虛嘆曾是感與摧
弭意無足歡願言有餘哀

鞠歌行 雜言

朝雲升應龍攀欒風遠遊騰雲端鼓鐘歇豈自
歡急絃高張息絃彈時希值年夙愆循已雖易

人知難王陽登貢公歡罕生旣沒國子歎嗟千
載豈虛言邈矣遠念情愴然

當置酒

置酒宴佳賓瞻眺臨飛觀絕嶺隔丈餘長嶼橫
江半日色花上綺風光水中亂三益旣葳蕤四

始方葱粲

對竹僊仔怨

健行去辭寵淹留終不見寄情在玉階託意唯
團扇春苔暗階除秋草蕪高殿昏黃履綦絕愁
來空雨面
燕歌行
四時代序逝不追寒風習習落葉飛蟋蟀在堂
露盈墀念君客遊苦恒悲君何緬然久不歸賤
妾悠悠心無違白日旣沒明燈輝夜禽赴林匹
鳴棲雙鳩關關宿河湄憂來感物涕不晞非君
之念思爲誰離別何早會何遲

悲哉行

萋萋春草生王孫猶有情差池燕始飛天裊桃
始榮灼灼桃悅色飛飛燕弄聲檐上雲結陰澗
下風歛清幽樹雖改觀終始在初生松葛歡蔓
延樛葛欣纍纍眇然游宦子晤言來未并鼻感

改朔氣心傷變節榮佗係豈徒然澶漫絕音形
風來不可託鳥去豈爲聽

梁甫吟

玉衡固已驂羲和若飛凌四運循環轉寒暑自
相承冉冉年時暮迢迢天路徵招搖東北指大
火西南昇悲風無絕響玄雲互相仍豐水憑川
結零露彌天凝年命特相逝慶雲鮮克乘履信

多愆期思順焉足憑慷慨臨川響非此孰爲興
哀唵梁甫顛慷慨歎撫膺

董桃行

和風習習薄林柔條布葉垂陰鳴鳩拂羽相尋
倉庚啾啾弄音感時悼逝傷心日月相追周旋
萬里倏忽幾年人皆冉冉西遷盛時一往不還
慷慨乖念悽然昔爲少年無憂常恡秉燭夜遊

翩翩常征何求於今知此有繇但爲老去年道
盛固有衰不疑長夜冥冥無期何不驅馳及時
聊樂永日自怡賚此遺情何之人生居世爲安
豈若及時爲歡世道多故萬端憂慮紛鎔交顏
老行及之長嘆

月重輪行

人生一時月重輪盛年安可持月重輪吉凶倚
伏百年莫我與期臨川曷悲悼茲去不從肩月
重輪功名不勗之善哉古人揚聲敷聳九服身
名流何穆旣自才難旣嘉運亦易愆俛仰行老
存沒將何所觀志士慷慨獨長嘆獨長嘆

日重光行

日重光奈何天迴薄日重光冉冉其遊如飛征
日重光今我日華華之盛日重光倏忽過亦安

停日重光盛往衰亦必來日重光譬如四時固
恒相催日重光惟命有分可營日重光但惆悵
才志日重光身沒之後無遺名

挽訶三首

卜擇考休貞嘉命咸在茲夙駕驚徒御結轡頓
重基龍幌被廣柳前驅矯輕旗殯宮何嘈嘈哀
響沸中闈中闈且勿謹聽我薤露詩死生各異

倫祖載當有時舍爵兩楹位啟殯進靈輻飲餞
觴莫舉出宿埽無期帷衽曠道影棟宇與子辭
周親咸犇湊友朋自遠來翼翼飛輕軒駸駸策
素騏按轡遵長薄送子長夜臺呼子子不聞泣
子子不知嘆息重觀側念我疇昔時三秋猶是
收萬世安可思殉歿身易亡殺子非所能含言
言哽噎揮涕涕流離

流離親友思惆悵神不泰素驂佇輻軒玄駟驚
飛蓋哀鳴興殯宮迴遲悲野外魂輿寂無響但
見冠與帶備物象平生長旌誰爲旆悲風微行
軌傾雲結流靄振策指霧丘駕言從此逝

重阜何崔嵬玄廬竄其間旁薄立四極穹窿放
蒼天側聽陰溝涌臥觀天井懸廣宵何寥廓大
暮安可晨人往有返歲我行無歸年簪居四民

宅今託萬鬼隣簪爲七尺軀今成灰與塵金玉
素所佩鴻毛今不振豐肌饗螻蟻妍姿永夷氓
壽堂延魍魅虛無自相賓螻蟻爾何怨魍魅我
何親拊心痛荼毒永歎莫爲噉

百年歌十首

一十時顏如薜華曄有暉體如飄風行如飛變
彼孺子相追隨終朝出遊薄暮歸六情逸豫心

無違清酒漿炙奈樂何清酒漿炙奈樂何
二十時膚體彩澤人理成美目淑貌灼有榮被
服冠帶麗且清光車駿馬遊都城高譚雅步何
盈盈清酒漿炙奈樂何清酒漿炙奈樂何

三十時行成名立有令聞力可扛鼎志干雲食
如漏卮氣如熏辭家觀國綜典文高冠素帶煥
翩紛清酒漿炙奈樂何清酒漿炙奈樂何

四十時體力克壯志方剛跨州越郡還帝鄉出
入承明擁大璫清酒漿炙奈樂何清酒漿炙奈
樂何

五十時荷旄仗節鎮邦家鼓鐘嘈噴趙女誦羅
衣綵粲金翠華言咲雅舞相經過清酒漿炙奈
樂何清酒漿炙奈樂何

六十時年亦耆艾業亦隆駟駕四牡入紫宮軒

冕納那翠雲中子孫昌盛家道豐清酒漿炙奈
樂何清酒漿炙奈樂何

七十時精爽頗損膂力愆清水明鏡不欲觀臨
樂對酒轉無歡攬形羞髮歎長嘆

八十時明已損目聰去耳前言徃行不復紀辭
官致祿歸棗梓安車駟馬入舊里樂事告終憂
事始

九十時日告耽瘁月告衰形體雖是志意非多
言謬誤心多悲子孫朝拜或問誰指景玩日慮
安危感念平生淚交揮

百歲時盈數已登肌肉單四支百節還相患目
若濁鏡口垂涎呼吸頓蹙反側難茵褥滋味不

復安

秋胡行

道雖一致塗有萬端吉凶紛藹休咎之源人鮮
知命命未易觀生亦何惜功名所嘆

順東西門行

日出西門望天庭陽谷旣虛崦嵫盈感朝露悲
人生逝者若斯安得停桑樞戒蟋蟀鳴我今不
樂歲聿征迨未年莫及世平置酒高堂宴友生
激朗笛彈哀箏取樂今日盡歡情

上留田行

嗟行人之藹藹駿馬陟原風馳輕舟汎川雷邁
寒往暑來相尋零雪霏霏集宇悲風徘徊入襟
歲華冉冉方除我息纏綿未紓感時悼逝悽如

隴西行

我靜而鏡民動如烟事以形兆應以象懸豈曰
無才世鮮興賢

駕言出北闕行

駕言出北闕躑躅遵山陵長松何鬱鬱丘墓互
相承念咎徂歿子悠悠不可勝安寢重冥廬天
壤莫能興人生何所促忽如朝露凝辛苦百年
間戚戚如履水仁知亦何補遷化有明徵求仙
鮮克仙大虛不可凌良會罄美服對酒宴同聲

太山吟

太山一何高迢迢造天庭峻極周已遠曾雲鬱
冥冥梁甫亦有館蒿里亦有亭幽塗延萬鬼神
房集百靈長吟太山側慷慨激楚聲

權歌行

遲遲暮春日天氣柔且嘉元吉隆初已濯穢遊
黃河龍舟浮鷁首羽旗垂藻葩乘風宣飛景逍
遙戲中波名謳激清唱榜人縱棹歌投綸沉洪

川飛繳入紫霞
東武行吟首
投跡短世間
羽衣饑從韓衆餐
寒就佚女棲

飲酒樂

蒲萄四時芳醇
溜璃千鍾舊
賓夜飲舞遲銷燭
朝醒弦促催人
卷七終

陸士衡文集卷八目錄

雜著

演連珠五十首

七徵一首

子婦一首

演說五首

陸士衡文集卷之八

陸士衡文集卷之八

晉陸機士衡著

明徐日曦閣仲閱

雜著

演連珠五十首

臣聞日薄星廻穹天所以紀物山盈川冲后土所以播氣五行錯而致用四時違而成歲是以

百官恪居以赴八音之離明君執契以要克諧
之會日萬聖國管天河以珠砂山盜川中各士
臣聞任重於力才盡則困用廣其器應博則凶
是以物勝權而衡殫形過鏡則照窮故明主程
才以效業貞臣底力而辭豐日流潤物固

臣聞髦俊之才世所希乏丘園之秀因時則揚
是以大人基命不擢才於后土明主聿興不降

佐於昊蒼

臣聞世之所遺未爲非寶主之所珍不必適治
是以俊乂之藪希蒙翹車之招金碧之崑必辱
鳳舉之使

臣聞祿放於寵非隆家之舉官私於親非興邦
之選是以三卿世及東國多衰弊之政五侯竝
軌西京有陵夷之運神無神風以聖以神

臣聞靈輝朝覲稱物納照時風夕灑程形賦音
是以至道之行萬類取足於世大化旣洽百姓
無匱於心

臣聞頓網探淵不能招龍振綱羅雲不必招鳳
是以巢箕之叟不眇丘園之弊洗渭之民不發
傳崑之夢

臣聞鑑之積也無厚而照有重淵之深目之察
也有畔而眡周天壤之際何則應事以精不以
形造物以神不以器是以萬邦凱樂非悅鐘鼓
之娛天下歸仁非感玉帛之惠
臣聞積實雖微必動於物崇虛雖廣不能移心
是以都人冶容不悅西施之影乘馬班如不輟
太山之陰

臣聞應物有方居難則易藏器在身所乏者時

是以克堂之芳非幽蘭所難繞梁之音實縈絃
所息之劍

臣聞智周通塞不爲時窮才經夷險不爲世屈
是以凌飈之羽不求反風曜夜之日不思

倒日

臣聞忠臣率志不謀其報貞士發憤期在明賢
是以柳莊黜殞非貪瓜衍之賞禽息碎首豈要
先茅之田

臣聞利眼臨雲不能垂照朗璞蒙垢不能吐暉
是以明哲之君時有蔽壅之累俊乂之臣屢抱
後時之悲

臣聞郁烈之芳出於委灰繁會之音生於絕絃
是以貞女要名於沒世烈士赴節於當年

臣聞良宰謀朝不必借威貞士衛主修身則足
是以三晉之強屈於齊堂之俎千乘之勢弱於

陽門之哭

臣聞赴曲之音洪細入韻蹈節之容俯仰依詠

是以言苟適事精粗可施士苟適道修短

可命

臣聞因雲灑潤則芬澤易流乘風載響則音徽自遠是以德教俟物而濟榮名緣時而顯

臣聞覽影偶質不能解獨指迹慕遠無救於遲是以循虛器者非應物之具翫空言者非致治

之機

臣聞鑽燧吐火以續湯谷之晷揮翮生風而繼

飛廉之功是以物有微而毘著事有瑣而

助洪

臣聞春風朝煦蕭艾蒙其溫秋霜宵墜芝蕙被

其涼是以威以齊物爲肅德以普濟爲弘

臣聞性之所期貴賤同量理之所極卑高一疇

是以淮月稟水不能加涼晞日引火不必

增輝

臣聞巧盡於器習數則貫道繫於神人亡則滅
是以輪匠肆目不乏奚仲之妙瞽史清耳而無
伶倫之察

臣聞絕節高唱非凡耳所悲肆義芳訊非庸聽
所善是以南荆有寡蘇之歌東野有不釋之辨

臣聞尋烟染芬薰息猶芳徵音錄響操終則絕
何則垂於世者可繼止乎身者難結是以玄晏

之風恒存動神之化已滅

臣聞託闇藏形不爲巧密倚智隱情不足自匿

是以重光發藻尋虛捕景大人貞觀探心昭忒

臣聞披雲看霄則天文清澄風觀水則川流平

是以四族放而唐劭二臣誅而楚寧

臣聞音以比耳爲美色以悅目爲歡是以衆聽
所傾非假北里之操萬夫婉孌非俟西子之顏

故聖人隨世以擢佐明主因時而命官于之賤
臣聞出乎身者非假物所隆牽乎時者非克已
所勗是以利盡萬物不能叡童昏之心德表生
民不能救棲遑之辱

臣聞動循定簡天有可察應無常節身或難照
是以望景揆日盈數可期撫臆論心有時

而謬

臣聞傾耳求音眠優聽苦澄心徇物形逸神勞

是以天殊其數雖全方不能分其感理塞其通
則竝質不能共其休

臣聞遯世之士非受匏瓜之性幽居之女非無
懷春之情是以名勝欲故偶影之操矜窮愈達
故凌霄之節厲

臣聞聽極於音不慕鈞天之樂身足於蔭不假
垂天之雲是以蒲密之黎遺時雍之世豐沛之

士忘栢揆之君
臣聞飛轡西頓則離朱與矇眴收察懸景東秀
則夜光與珉珠匿耀是以才換世則俱困功偶
時而竝劭
臣聞示應於近遠有可察託驗於顯微或可包
是以寸管不徧天地不能以氣欺尺表逆立日
月不能以形逃

臣聞絃有常音故曲終則改鏡無畜影故觸形
則照是以虛已應物必究千變之容挾情適事
不觀萬殊之妙

臣聞祝啟希聲以諧金石之和鼙鼓踈擊以節
繁絃之契是以經治必先其通圖物恒審

其會

臣聞目無常音之察耳無照景之神故在乎我
者不誅之於已存乎物者不求備於人

臣聞放身而居體逸則安肆口而食屬厭則克
是以玉鮪登俎不假吞波之魚蘭膏停室不思
銜燭之龍長以豨或必去其魚國師亦審其會
臣聞衝波安流則龍舟不能以漂震風洞發則
夏屋有時而傾何則牽乎動則靜凝係乎靜則
動貞是以滛風大行貞女蒙冶容之誨淳化殷
流盜跖挾曾史之情

臣聞達之所服貴有或遺窮之所接賤而必尋

是以江漢之君悲其墜履少原之婦哭其

亡簪

臣聞觸非其類雖疾不應感以其方雖微則順
是以商飈漂山不興盈尺之雲谷風乘條必降
彌天之潤故闇於治者唱繁而龢寡審乎物者
力約而功峻

臣聞烟出於火非火之穉情生於性非性之適

故火壯則烟微性克則情約是以殷墟有感物
之悲周京無佇立之跡

臣聞適物之技俯仰異用應事之器通塞異任
是以鳥棲雲而繳飛魚藏淵而網沉賁鼓密而
含響朗筵踈而吐音

臣聞理之所守勢所常奪道之所閉權所必開
是以生重於利故據圖無揮劍之痛義重於身

故臨川有投跡之哀

臣聞圖形於影未盡纖麗之容察火於灰不覩

洪赫之烈是以問道存乎其人觀物必造

其質

臣聞通於變者用約而利博明其要者器淺而
應玄是以天地之賸該於六位萬殊之曲窮於
五絃

臣聞情見於物雖遠猶踈神藏於形雖近則密

是以儀天步晷而修短可量臨淵揆水而淺深
難察

臣聞虐暑薰天不減堅冰之寒涸陰凝地無累
陵火之熱是以吞縱之強不能反蹈海之志漂
鹵之威不能降西山之節

臣聞理之所開力所常達數之所塞威有必窮
是以烈火流金不能焚景沉寒凝海不能

結風

臣聞足於性者天損不能入貞於期者時累不
能淫是以迅風陵雨不謬晨禽之察勁陰殺節
不凋寒木之心

七徵

玄虛子耽性冲素雍容玄泊棄時俗而弗徇甘
漁釣於一壑乃有通微大夫怨皇后之失寶傷
鴻誓之後聳策玄黃於榛險憑穴崑而放言通

微大夫曰竒膳玉食寤滋致豐簡犧羽族考牲
毛宗俯出沉鮪仰落歸鴻剖柔胎於孕豹宰潛
肝乎參龍拾朝陽之遺卵納丹穴之飛凰神宰
竒稔嘉禾之穗含滋發馨素頰玉銳灼若皓雪
之頰玄雲皎若明珠之積緇匱素蟻踊而灑灑
滋芬溢而相微味雖濃而弗爽氣旣惠而復竒
介景福於肴壽裕温克乎齊聖子能饗之乎通

微大夫曰豐居華殿竒構磊落萬宇雲覆千楹
林錯仰綏瑰木俯積瑛石敷延袤之廣廡矯凌
霄之高閣秀清暉乎雲表騰藻蔭之奕奕珍觀
清榭岳立連行雲階飛陞仰陟穹蒼聳浮柱而
虬立施飛檐以龍翔回房旋室綴珠襲玉圖畫
神仙延祐承福懸闥高達長廊迴屬於是登漸
臺理俊音鏡玄沚望長林逐狡獸弋輕禽覽壯

藝以悅觀聆和樂而怡心子能居之乎通微大
夫曰金石諧而齊響埴箎協而稊鳴於是才人
進羽籥玄弁被藻襲俯縈領以鴻歸仰矯首而
鶴立激長謠而丹唇發鏗鏘乎柔木合清商以
絕節揮流徵而赴曲奏商荆之高歎詠易水之
清角爾乃覩蛾眉之群麗容旣都而又閑矯纖
腰以逐節頓皓足於鼓盤舒妍暉以妖韶若陵

危之未安通微大夫曰蓋聞洙北有采唐之思
淇上有送予之歎關雎以寤寐爲戚溱洧以謔
浪爲歡若夫妖嬪艷女蒐群擢俊穆藻儀於令
表茂當年之柔嫚罄妍規之約綽體每變而增
閑秀紅蕤其愉愉若餘穎之可食若夫靈晷潛
祖顏退羽觴升清琴厲因清明以宣誠流徽睇
而授愛纖手揮而鳴佩鏗華衿被則芳塵萃子

其納之乎通微大夫曰塗有殊而一致業有殊
而名約各因姿以效績期寄響於天人也孰與
顯竒蹤於萬邦撫六轡而高遊瞰八字以攄眇
齊清風乎諸侯言成否泰氣作溫涼弭侵畧於
強暴綜墜紀乎危邦子豈不願斯之雍容乎通
微大夫曰明主應期撫民以德配仁風於黃唐
齊威靈乎宸極彝倫幸序庶績咸乂盪流風於
雍俗給天民乎齊泰是以玄靈感而表應嘉神
繁而畢覲舞唐庭之來儀鳴岐陽之鸞鷲應天
監之休命荷神聽之介福然聖主達持盈之寶
術寤經國之在賢各畢榮於分局期贊化於大
鈞吾子豈不欲縻好爵於天宇顯列紫乎帝臣
歟玄虛子作而言曰甚哉鄙人之惑也猶窮繩
自逸於井幹憑河盜本於黃川欽至論敷淑社

謹聞命於王孫

西益本外黃川論

...

...

...

...

...

陸士衡文集卷之八終

陸士衡文集卷九目錄

頌 箴 贊 牋 表 文

誄 哀辭

漢高祖功臣頌 丞相箴

孔子贊 王子喬贊

至洛與成都王牋 謝平原內史表

弔魏武文 弔蔡邕文

弔吳大帝誄

愍懷太子誄

吳貞獻處士陸君誄

弔丞相江陵侯陸公誄

吳大司馬陸公誄

晉劉處士參妻王氏夫人誄

吳大司馬陸公少女哀辭

陸士衡文集卷之九 錄終

陸士衡文集卷之九

晉陸機士衡著

明徐日曦閻仲閱樊曾

頌箴贊牋表文

誄哀辭

漢高祖功臣頌

相國鄼文終侯沛蕭何相國平陽懿侯沛曹參

太子少傅留文成侯韓張良丞相曲逆獻侯陽
武陳平楚王淮陰韓信梁王昌彭越淮南王六
黥布趙景王大梁張耳韓王韓信燕王豐盧綰
長沙文王吳芮荆王沛劉賈太傅安國懿侯王
陵左丞相絳武侯沛周勃相國舞陽侯沛樊噲
右丞相曲周景侯高陽酈商太僕汝陰文侯沛
夏侯嬰丞相潁陰懿侯睢陽灌嬰代丞相陽陵
景侯魏傳寬車騎將軍信武肅侯靳歙大行廣
野君高陽酈食其中郎建信侯齊劉敬大中大
夫楚陸賈太子太傅稷嗣君薛叔孫通魏無知
護軍中尉隨何新成三老董公轅生將軍紀信
御史大夫沛周苛平國君侯公右三十一人與
定天下安社稷者也

頌曰茫茫宇宙上塲下黷波振四海塵飛五岳

九服徘徊三靈改卜赫矣高祖肇載天祿沉跡
中鄉飛名帝錄慶雲應輝皇階授木龍興泗濱
虎嘯豐谷彤雲晝聚素靈夜哭金精仍頽朱光
以渥萬邦宅心駿民效足堂堂蕭公王跡是因
綢繆獻后無競惟人外濟六師內撫三秦拔竒
夷難邁德振民體國垂制上穆下親名蓋群后
是謂宗臣平陽樂道在變則通爰淵爰嘿有此

武功長驅河朔電擊壤東協策淮陰亞跡蕭公
文成作師通幽洞冥永言配命因心則靈寤神
觀化望影揣情鬼無隱謀物無遁形武關是闢
鴻門是寧隨難滎陽即謀下邑銷印碁廢推齊
勸立運籌固陵定策東襲三王從風五侯允集
霸楚實喪皇漢凱入怡顏高覽弭翼鳳戢託跡
黃老辭世却粒曲逆宏達好謀能深游精杳漠

神跡是尋重玄匪奧九地匪沉伐謀先兆擠響
於音竒謀六奮嘉慮四迴規主於足離項於懷
恪人乃謝楚翼寔摧韓王窘執胡馬洞開迎文
以謀哭高以哀灼灼淮陰靈武冠世策出無方
息入神契奮臂雲興騰跡虎噬凌險必夷摧堅
則脆肇謀漢濱還定渭表京索旣扼引師北討
濟河夷魏登山滅趙威亮火烈勢踰風掃拾代
如遺偃齊猶艸二州肅清四邦咸舉乃眷北燕
遂表東海克滅龍且爰取其旅劉項懸命人謀
是與念功惟德辭通絕楚彭越觀時弢跡匿光
民具爾瞻翼爾鷹揚威凌楚域質委漢王靖難
河濟卽宮舊梁烈烈黥布耽耽其眄名冠強楚
鋒猶駭電覩幾蟬蛻悟主革面肇彼梟風翻爲
我扇天命方輯王在東夏矯矯三雄至于垓下

元凶旣夷寵祿來假保大全祚非德孰可謀之
不臧舍福取禍張耳之賢有聲梁魏士也罔極
自貽伊媿俯思舊恩仰察五緯脫跡違難披榛
來洎改策西秦報辱北冀悴葉更耀枯條以肄
王信韓孽宅土開疆我圖爾才越遷晉陽盧綰
自微婉變我皇跨功踰德祚爾輝章人之貪禍
寧爲亂亡吳芮之王祚繇梅銷功微勢弱世載

忠賢肅肅荆王董我三軍我圖四方殷薦其勛
庸親作勞舊楚是分往踐厥宇大啟淮濱安國
違親悠悠我思依依哲母旣明且慈引身伏劍
永言固之淑人君子實邦之基義形於色憤發
於辭主亡與亡末命是期絳侯質木多略寡言
曾是忠勇惟帝攸歎雲鶩靈丘景逸上蘭平代
禽豨奄有燕韓寧亂以武斃呂以權滌穢紫宮

徵帝太原實惟太尉劉宗以安挾功震主自古
所難勲耀上代身終下藩舞陽道迎延帝幽藪
宣力王室匪惟厥武總干鴻門披闥帝宇聳顏
誚項掩淚寤主曲周之進于其哲兄俾率爾徒
從王于征振威龍蛻攄武庸城六師寔因克荼
禽黥猗歟汝陰綽綽有裕戎軒肇跡荷策來附
馬煩轡殆不釋擁樹皇儲時又平城有謀穎陰

銳敏屢爲軍鋒奮戈東城禽項定功乘風藉響
高步長江收吳引淮光啟于東陽陵之勛元帥
是承信武薄伐揚節江陵夷王殄國俾亂作懲
恢恢廣野誕節令圖進謁嘉謀退守名都東規
白馬北距飛狐即倉敖庾據險三塗輜軒東踐
漢風載徂身死于齊非說之辜我皇寔念言祚
爾孤建信委輅被褐獻寶指明周漢銓時論道

移帝伊洛定都艷鎬柔遠鎮邇寔敬攸考抑抑
陸生知言之貫往制勁越來訪皇漢附會平勃
夷凶翦亂所謂伊人邦家之彥百王之極舊章
靡存漢德雖朗朝儀則昏稷嗣制禮下肅上尊
穆穆帝典煥其盈門風晞三代憲流後昆無知
獻敏獨昭竒跡察侔蕭相貺同師錫隨何辯達
因資於敵紆漢披楚維生之績皤皤董叟謀我

平陰三軍縞素天下歸心袁生秀朗沉心善照
漢旆南振楚威自撓大畧淵回元功響效邈哉
維人何識之妙紀信誑項軺軒是乘攝齊赴節
用歿孰懲身與烟消名與風興周苛慷愾心若
懷冰形可以暴志不可凌貞軌偕沒亮跡雙升
帝疇爾庸後嗣是膺天地雖順王心有違懷親
望楚永言長悲侯公伏軾皇媪來歸是謂平國

寵命有輝震風過物清濁效響大人于興利在
攸往弘海者川崇山惟壤韶濩錯音袞龍比象
明明衆喆同濟天網劍宣其利鑒獻其朗文武
四克漢祚克廣悠悠遐風千載是仰

丞相箴

夫導民在簡爲政以仁仁實生愛簡亦易遵罔
疏下睦禁密巧繁深文碎教伊何能存故人不

可以不審任不可以不忠捨賢昵讒則喪爾邦
且偏見則昧專聽悔疑耳目之用亦各有期夫
豈不察而帷牆隔之矜已任智是蔽是欺德無
遠而不復惡何適而不追存亡日鑒成敗代陳
人咸知鏡其貌而莫能照其身

孔子贊

孔子叡聖配天弘道風扇玄流思探神寶明發

懷周興言謨老靈魄有行言觀蒼昊清歌先誠
丹書有造

王子喬贊

遺形靈岳顧景忘歸乘雲倏忽飄飄紫微
至洛與成都王牋

王室多故禍難薦有羊玄之乘寵凶豎專記朝
政姦臣賊子是爲比周皇甫商同惡相求共爲

亂階至令天子飄飄甚於贅旒伏惟明公匡濟
之舉義命方宣元戎旣啟風威電赫機以鴛暗
文武寡施猥蒙橫授委任外裊輒承嚴教董率
諸軍唯力是視

謝平原內史表一首

陪臣陸機言今月九日魏郡太守遣兼丞張含
齋板詔書印綬假臣爲平原內史拜受祗竦莫

知所裁臣機頓首死罪死罪臣本吳人出自教
國世無先臣宣力之效才非丘園耿介之秀皇
澤廣被惠濟無遠擢自群萃累蒙榮進入朝九
載歷官有六身登三閣官成兩宮服冕乘軒仰
齒貴遊振景拔迹顧邈同列施重山岳義足灰
沒遭國顛沛無節可紀雖蒙曠蕩臣歎何顏俛
首頓膝憂媿若厲而橫爲故齊王罔所見枉陷

誣臣與眾人共作禪文幽執囹圄當爲誅始臣
之微誠不負天地倉卒之際慮有逼迫乃與弟
雲及散騎侍郎袁瑜中書侍郎馮熊尚書右丞
崔基廷尉正顧榮汝陰太守曹武思所以獲免
陰蒙避回崎嶇自列片言隻字不關其間事蹤
筆跡皆可推較而一朝翻然更以爲罪葺爾之
生尚不足去區區本懷實有可悲畏逼天威卽

罪惟謹鉗口結舌不敢上訴所天莫大之釁日
經聖聽肝血之誠終不一聞所以臨難慷慨而
不能不恨恨者唯此而已重蒙陛下愷悌之宥
回霜收電使不隕越復得扶老携幼生出獄戶
懷金拖紫退就散輩感恩惟咎五情震悼跼天
踏地若無所容不悟日月之明遂垂曲照雲雨
之澤播及朽瘁忘臣弱才身無足采哀臣零落
罪有可察苟削丹書得夷平民則塵洗天波謗
絕衆口臣之始望尚未至是猥辱大命顯授符
虎使春枯之條更與秋蘭垂芳陸沉之羽復與
翔鴻撫翼雖安國免徒起紆青組張敞亡命坐
致朱軒方臣所荷未足爲泰豈臣蒙垢含吝所
宜忝竊非臣毀宗夷族所能上報喜懼參并悲
慙哽結拘守常憲當便道之官不得束身犇走

稽顙城關瞻係天衢馳心輦轂臣不勝屏營延
仰謹拜表以聞

弔魏武帝文一首

并序

元康八年機始以臺郎出補著作游乎秘閣而
見魏武帝遺令慨然歎息傷懷者久之客曰夫
始終者萬物之大歸死生者性命之區域是以
臨喪殯而後悲覩陳根而絕哭今乃傷心百年

之際興哀無情之地意者無乃知哀之可有而
未識情之可無乎機荅之曰日蝕繇乎交分山
崩起於朽壤亦云數而已矣然百姓怪焉者豈
不以資高明之質而不免卑濁之累居安常之
勢而終嬰傾離之患故夫以迴天倒日之力而
不能振形骸之內濟世夷難之智而受困魏闕
之下已而格乎上下者藏於區區之木光于四

吾餘衣裘可別爲一藏不能者兄弟可共分之
既而竟分焉亡者可以勿求存者可以勿違求
與違不其兩傷乎悲夫愛有大而必失惡有甚
而必得智慧不能去其惡威力不能全其愛故
前哉所不用心而聖人罕言焉若乃繫情累於
外物留曲念於閨房亦賢俊之所宜廢乎於是
遂憤懣而獻吊云爾

接皇漢之末緒值王塗之多違佇重淵以育鱗
撫慶雲而遐飛運禮道以載德乘靈風而扇威
摧群雄而電擊舉勅敵其如遺指八極以遠畧
必翦焉而後綏釐三才之闕典啟天地之禁闡
舉修網之絕紐紀大音之解徽掃雲物以貞觀
要萬塗而來歸丕大德以宏覆援日月而齊暉
濟元功於九有固舉世之所推彼人事之大造

吾餘衣裘可別爲一藏不能者兄弟可共分之
既而竟分焉亡者可以勿求存者可以勿違求
與違不其兩傷乎悲夫愛有大而必失惡有甚
而必得智慧不能去其惡威力不能全其愛故
前識所不用心而聖人罕言焉若乃繫情累於
外物留曲念於閨房亦賢俊之所宜廢乎於是
遂憤懣而獻吊云爾

接皇漢之末緒值王塗之多違佇重淵以育鱗
撫慶雲而遐飛運禮道以載德乘靈風而扇威
摧群雄而電擊舉勅敵其如遺指八極以遠畧
必翦焉而後綏釐三才之闕典啟天地之禁闡
舉修網之絕紐紀大音之解徽掃雲物以貞觀
要萬塗而來歸丕大德以宏覆援日月而齊暉
濟元功於九有固舉世之所推彼人事之大造

夫何往而不臻將覆篲於浚谷擠爲山乎九天
苟理窮而性盡豈長算之所研悟臨川之有悲
固梁木其必顛當建安之三八實大命之所艱
雖光昭於曩載將稅駕於此年惟降神之綿邈
眇千載而遠期信斯武之未喪膺靈符而在茲
雖龍飛於文昌非王心之所怡憤西夏以鞠旅
泝秦川而舉旗踰鎬京而不豫臨渭濱而有疑
冀翌日之云廖彌四旬而成災詠歸塗以反旆
登嶠澗而竭來次洛汭而大漸指六軍曰念哉
伊君王之赫奕寔終古之所難威先天而蓋世
力盪海而拔山厄奚險而弗濟敵何強而不殘
每因禍以提福亦踐危而必安迄在茲而蒙昧
慮噤閉而無端委軀命以待難痛沒世而永言
撫四子以深念循膚體而積歎迨營魄之未離



原件短缺

P16

假餘息乎音翰執姬女以頤瘁指季豹而濯焉
氣衝襟以嗚咽涕垂睫而汎瀾違率土以靜寐
戢彌天乎一棺恣宏度之峻邈壯大業之允昌
思居終而恤始命臨沒而肇揚援貞吝以懔悔
雖在我而不臧愔內顧之纏綿恨末命之微詳
紆廣念於履組塵清慮於餘香結遺情於婉孌
何命促而意長陳法服於帷座陪窈窕於玉房

我皇明明固天寔生體和二合以察三精濯暉
育慶懷祥載榮率性而和因心則靈厥靈伊何
克聖克仁茂對四象克配乾坤齊明日月考詳
鬼神誕自幼冲獻哲宿照甄化無形探景絕曜
巍巍聖姿文武旣俊有覺德徽兆民欣順將熙
景命經營九圍登跡岱宗班瑞舊圻上玄匪惠
早零聖暉神廬旣考史臣獻貞龍輔啟殯霄載

紫庭辰旒飛藻
旹旗舉銘崇華
熠爍翠蓋繁纓
千乘結駟萬騎
重營簫鼓振響
和鑾流聲動軫
閶闔永背承明
顯步萬官幽驅
百靈隨化太素
即宮杳冥億兆
同慕泣血如零

聖愍懷太子誄

明明皇子成命
旣駿保乂皇家
載生淑胤茂德
克廣仁姿朗雋
當克無疆光紹
有晉如何不吊

暴離咎艱曾是
遘愍匪降自天
肇傾運祚遂喪
華年嗚呼哀哉
沉雲旣祛日月
增暉靈寵可贈
寃魂難追舊物
東反靈柩西歸
傷我惠后寂焉
翳滅銜哀駿奔
凶服就列追慕
徽塵興言斷絕
敢誄遺風庶存
芳烈其辭曰
巍巍皇基奕奕
紫微有命旣集
天祿永綏篤生
太子纂德承茂
平紹大烈時惟
洪胄竒穎發翹

清藻在秀誕自幼蒙逮事武皇展矣太子播此
瓊芳允矣聖祖無言不臧婉變乘輿名裕德昌
龍集庚戌日月改度赫赫明明我皇登祚厥登
伊何皇統是荷華紱重采翠蓋垂葩鸞旗阿那
玉衡吐和聿來在宮體亮而誠肅雍皇極思媚
紫庭亦旣涉學遵師盛道何年之妙而察之早
讜言必復垂義則考惟天有命太子膺之惟皇
有慶太子承之當究遐年登茲胡者緝熙有晉
克構帝宇如何晨牝穢我朝聽仰索皇家惟臣
明聖惴惴太子終溫且敬銜辭卽罪掩淚祗命
顯加放流潛肆鳩毒痛矣太子乃離斯酷謂天
蓋高訴哀靡告鞠躬引分顧景摧剝嗚呼哀哉
凡民之喪有戚有姻太子之歿傍無昵親跼躅
嚴宮絕命禁闈幽柩偏寄孤魂曷歸嗚呼太子

生寃歿悲匹夫有怨尚或殞霜矧乃太子萬邦
攸望普天扼腕率土懷傷精感六沴咎徵紫房
爰茲元輔啟我令圖王赫斯怒天誅靡逋撓搶
叱掃元凶服辜仁詔引咎哀策東徂光復寵祚
紹建藐孤於時暉服粲焉畢陳庭旅舊物堂有
故臣孰云太子不見其人嗚呼哀哉旣濟洛川
靈旆左迴三軍悽裂都邑如隕慨矣寤歎念我

愍懷

吳貞獻處士陸君誄

我聞有命天祿有秩如斯古人而有斯疾兄弟
之恩離形合氣矧我與君年相亞逮綢繆之遊
自矇及朏孩不貳音抱或同襁撫髻竝育携手
相長行焉比跡誦必共響庶君偕老靈根克固
附翼雲霄雙飛天路人皆年長君獨短祚穀則

同朝遊矣先暮天
人皆平身詩
辭賦
新
根條伊何苗黃裔
舜長發有祥貽我
作胤劉王
負險寇我西鄰公
侯赫怒干戈啟陳
金鉞鏡日
雲旗降文元玉隕
難鯨鯢墜鱗戎漠
時殪方域
清塵

吳大司馬陸公誄

我公承軌高風肅邁明德繼體徽音奕世昭德
伊何克俊克仁德周能事體合機神禮交徒候
敬睦白屋踧躅曲躬吐食揮沐爰及鰥寡賑此
惇馱孚厥惠和脫駮分祿乃命我公誕作元輔
位表百辟名茂群后因是荆人造我寧宇備物
典策主冠及斧龍旂飛藻靈鼓樹羽質文殊塗
百異行徹人玩其華鮮識其實於穆我公因心

同朝遊矣先暮天
人皆平身詩
辭賦
新
根條伊何苗黃裔
舜長發有祥貽我
作胤劉王
負險寇我西鄰公
侯赫怒干戈啟陳
金鉞鏡日
雲旗降文元玉隕
難鯨鯢墜鱗戎漠
時殪方域
清塵

吳大司馬陸公誄

我公承軌高風肅邁明德繼體徽音奕世昭德
伊何克俊克仁德周能事體合機神禮交徒候
敬睦白屋踧躅曲躬吐食揮沐爰及鰥寡賑此
惇馱孚厥惠和脫駮分祿乃命我公誕作元輔
位表百辟名茂群后因是荆人造我寧宇備物
典策主冠及斧龍旂飛藻靈鼓樹羽質文殊塗
百異行徹人玩其華鮮識其實於穆我公因心

陸士衡文集卷之十

晉兵陸機士衡著

明徐日曦閻仲閱忠良

議論定碑卑於長符並執

符大田議慈日蘇命臨基

臣聞隆名之主不改法而

下治陵夷之世不易術而

農以利則耕夫勤節商以法則游子歸時
辨亡論上不知去而不欲去之世不
晉漢氏失御姦臣竊命禍基京畿毒徧宇內皇
綱弛紊王室遂卑於是群雄蜂駭義兵四合吳
武烈皇帝慷慨下國電發荆南權略紛紜忠勇
伯世威稜則夷羿震盪兵交則醜虜授馘遂掃
清宗祊蒸禋皇祖於時雲興之將帶州飈起之
師跨邑哮囁之群風驅熊羆之衆霧集雖兵以
義合同盟戮力然皆苞藏禍心阻兵怙亂或師
無謀律喪威稔寇忠規武節未有如此其著者
也武烈旣沒長沙栢王逸才命世弱冠秀發招
攬遺老與之述業神兵東驅奮寡犯衆攻無堅
城之將戰無交鋒之虜誅叛柔服而江外底定
飭法修師則威德翕赫賓禮名賢而張昭爲之

雄交御豪俊而周瑜爲之傑彼二君子皆弘敏而多竒雅達而聰哲故同方者以類附等契者以氣集而江東蓋多士矣將北伐誅華誅鉏干紀旋皇輿於夷庠反帝座乎紫闥挾天子以令諸侯清天步而歸舊物戎車旣次群凶側目大業未就中世而殞用集我大皇帝以竒蹤襲於逸軌睿心因於令圖從政咨於故實播憲稽乎

遺風而加之以篤固申之以節儉疇咨俊茂好謀善斷束帛旅於丘園旌命交於塗巷故豪彥尋聲而響臻志士希光而景驚異人輻輳猛士如林於是張昭爲師傳周瑜陸公魯肅呂蒙之儔入爲腹心出作股肱甘寧凌統程普賀齊朱桓朱然之徒奮其威韓當潘璋黃蓋蔣欽周泰之屬宣其力風雅則諸葛瑾張承步騭以名聲

光國政事則顧雍潘濬呂範呂岱以器任幹職
奇偉則虞翻陸績張溫張惇以風議舉正奉使
則趙咨沈珩以敏達延譽術數則吳範趙達以
機祥協德董襲陳武殺身以衛主駱統劉基強
諫以補過謀無遺譖舉不失策故遂割據山川
跨制荆吳而與天下爭衡矣魏氏常籍戰勝之
威率百萬之師浮鄧塞之舟下漢陰之衆羽楫
萬計龍躍順流銳騎千旅虎步原隰謨臣盈室
武將連衡喟然有吞江滸之志一宇宙之氣而
周瑜驅我偏師黜之赤壁喪旗亂轍僅而獲免
收跡遠遁漢王亦憑帝王之號帥巴漢之民乘
危騁變結壘千里志報關羽之圖收湘西之地
而陸公亦挫之西陵覆師敗績因而後濟絕命
永安續以濡湏之寇臨川摧銳蓬籠之戰子輪

不反繇是二邦之將喪氣挫鋒勢衄財匱而吳
莞然坐乘其弊故魏人請好漢氏乞盟遂躋天
號鼎峙而立西屠庸益之郊北裂淮漢之浹東
包百越之地南括羣蠻之表於是講八代之禮
蒐三王之樂告類上帝拱揖群后虎臣毅卒循
江而守長棘勁鍛望颺而奮庶尹盡規於上四
民庶業于下化協殊裔風衍遐圻乃俾一介行

人撫巡外域巨象逸駿擾於外閑明珠瑋寶耀
於內府珍瑰重跡而至竒玩應響而赴輶軒騁
於南荒衝朝息於朔野齊民免干戈之患戎馬
無晨服之虞而帝業固矣大皇旣沒幼主蒞朝
姦回肆虐景皇聿興虔修遺憲政無大闕守文
之良主也降及歸命之初典刑未滅故老猶存
大司馬陸公以文武熙朝左丞相陸凱以謇諤

盡規而施績范慎以威重顯丁奉離斐以武毅
稱孟宗丁固之徒爲公卿樓玄賀邵之屬掌機
事元首雖病股肱猶存爰及末葉群公旣喪然
後黔首有瓦解之志皇家有土崩之釁曆命應
化而微王師躡運而發卒散于陣民犇于邑城
池無藩籬之固山川無溝阜之勢非有工輪雲
梯之械智伯灌激之害楚子築室之圍燕人濟
西之隊軍未浹辰而社稷夷矣雖忠臣孤憤烈
士死節將奚救哉夫曹劉之將非一世所選向
時之師無曩日之衆戰守之道抑有前符險阻
之利俄然未改而成敗貿理古今詭趣何哉彼
此之化殊授任之才異也

辨亡論下

晉三方之王也魏人據中夏漢氏有岷益吳制

荆揚而奄交廣曹氏雖功濟諸華虐亦深矣其
民怨矣劉公因險以飾智功已薄矣其俗陋矣
夫吳栢王基之以武太祖成之以德聰明獻達
懿度弘遠矣其求賢如不及恤民如稚子接士
盡盛德之容親仁罄丹府之愛拔呂蒙於戎行
識潘濬於係虜推誠信士不恤人之我欺量能
授器不患權之我偏執鞭鞠躬以重陸公之威

悉委武衛以濟周瑜之師卑官菲食以豐功臣
之賞披懷虛已以納謨士之算故魯肅一面而
自託士燮蒙險而致命高張公之德而省游田
之娛賢諸葛之言而割情欲之歡感陸公之規
而除刑法之煩奇劉基之議而作三爵之誓屏
氣跼踖以伺子明之疾分滋損甘以育凌統之
孤登壇慷慨歸魯子之功削投惡言信子瑜之

節是以忠臣競盡其謨志士咸得肆力洪規遠
略固不厭夫區區者也故百官苟合庶務未遑
初都建業群臣請備禮秩天子辭而不許曰天
下其謂朕何宮室輿服益慊如也爰及中葉天
人之分既定百度之闕粗修雖醲化懿綱未齒
乎上代抑其體國經民之具亦足以爲政矣地
方幾萬里帶甲將百萬其野沃其兵練其噐利

其財豐東負滄海西阻險塞長江制其區宇峻
山帶其封域國家之利未巨有弘於茲者矣借
使中才守之以道善人御之有術敦率遺典勤
民謹政循定策守常險則可以長世永年未有
危亡之患也或曰吳蜀唇齒之國蜀滅則吳亡
理則然矣夫蜀蓋藩援之與國而非吳人之存
亡也何則其郊境之接重山積險陸無長轂之

徑川阨流迅水有驚波之艱雖有銳師百萬啟
行不過千夫舳艫千里前驅不過百艦故劉氏
之伐陸公喻之長蛇其勢然也晉蜀之初亡朝
臣異謀或欲積石以險其流或欲機械以御其
變天子總群誼而諮之大司馬陸公公以四瀆
天地之所以節宣其氣固無可遏之理而機械
則彼我之所共彼若棄長技以就所屈則荆揚
而爭舟楫之用是天贊我也將謹守峽口以待
禽耳逮步闡之亂憑寶城以延強寇重資弊以
誘群蠻于時大邦之衆雲翔電發懸旌江介築
壘遵渚襟帶要害以止吳人之西而已漢舟師
沿江東下陸公以偏師三萬北據東坑深溝高
壘案甲養威反虜蹤跡待戮而不敢北窺生路
強寇敗績宵遁喪師太半分命銳師五千西禦

水車東西同捷獻俘萬計信哉賢人之謀豈欺
我哉自是烽燧罕警封域寡虞陸公沒而潛謀
兆吳釁深而六師駭夫太康之役衆未盛乎曩
日之師廣州之亂禍有愈乎向時之難而邦家
顛覆宗廟爲墟嗚呼人之云亡邦國殄瘁不其
然歟易曰湯武革命順乎天玄曰亂不極則治
不形言帝王之因天時也古人有言曰天時不

如地利易曰王侯設險以守其國言爲國之恃
險也又曰地利不如人和在德不在險言守險
之繇人也吳之興也參而繇焉孫卿所謂合其
參者也及其亡也恃險而已又孫卿所謂捨其
參者也夫四州之萌非無衆也大江之南非乏
後也山川之險易守也勁利之噐易用也先政
之策易循也功不興而禍遘者何哉所以用之

五長所以弘其制也於是乎立其封疆之典財
其親踈之宜使萬國相維以成盤石之固宗庶
雜居以定維城之業又有以見綏世之長御識
人情之大方知其爲人不如厚己利物不如圖
身安上在於悅下爲己在乎利人故易曰悅以
使民民忘其勞孫卿曰不利而利之不如利而
後利之之利也是以分天下以厚樂而已得與
之同憂饗天下以豐利而我得與之共害利博
則恩篤樂遠則憂深故諸侯享食土之實萬國
受世及之祚矣夫然則南面之君各務其治九
服之民知有定主土之子愛於是乎生下之體
信於是乎結世治足以敦風道衰足以禦暴故
強毅之國不能擅一時之勢雄俊之士無所寄
霸王之志然後國安繇萬邦之思治主尊賴群

五長所以弘其制也於是乎立其封疆之典財
其親踈之宜使萬國相維以成盤石之固宗庶
雜居以定維城之業又有以見綏世之長御識
人情之大方知其爲人不如厚己利物不如圖
身安上在於悅下爲己在乎利人故易曰悅以
使民民忘其勞孫卿曰不利而利之不如利而
後利之之利也是以分天下以厚樂而已得與
之同憂饗天下以豐利而我得與之共害利博
則恩篤樂遠則憂深故諸侯享食土之實萬國
受世及之祚矣夫然則南面之君各務其治九
服之民知有定主土之子愛於是乎生下之體
信於是乎結世治足以敦風道衰足以禦暴故
強毅之國不能擅一時之勢雄俊之士無所寄
霸王之志然後國安繇萬邦之思治主尊賴群

后之圖身譬猶衆目營方則天網自昶四體辭
難而心膂獲又三代所以直道四王所以垂業
也夫盛衰隆敝理所固有教之廢興繫乎其人
愿法期於必涼明道有時而闇故世及之制敝
於強禦厚下之典漏於末折侵弱之豐邁自三
季陵夷之禍終於七雄昔者成湯親照夏后之
鑒公旦目涉商人之戒文質相濟損益有物故
五等之禮不革于時封畛之制有隆焉爾者豈
玩二王之禍而闇經世之算乎固知百世非可
懸御善制不能無敝而侵弱之辱愈於殄祀土
崩之困痛於陵夷也是以經始權其多福慮終
取其少禍非謂侯伯無可亂之符郡縣非致治
之具也故國憂賴其釋位主弱憑其翼戴及承
微積敝王室遂卑猶保名位祚垂後嗣皇統幽

而不輟神器否而必存者豈非事勢使之然歟
降及亡秦棄道任術懲周之失自矜其得尋斧
始於所庇制國昧於弱下國慶獨饗其利主憂
莫與其害雖速亡趣亂不必一道顛沛之釁實
繇孤立是蓋思五等之小怨忘萬國之大德知
陵夷之可患闇土崩之爲痛也周之不兢有自
來矣國乏令主十有餘世然片言勤王諸侯必
應一朝振矜遠國先叛故強晉收其請隧之圖
暴楚頓其觀鼎之志豈劉項之能闕關勝廣之
敢號澤哉借使秦人因循周制雖則無道有與
共弊覆滅之禍豈在曩日漢矯秦枉大啟侯王
境土踰溢不遵舊典故賈生憂其危晁錯痛其
亂是以諸侯阻其國家之富憑其士民之力勢
足者反疾土狹者逆遲六臣犯其弱綱七子衝

其漏網皇祖夷於黥徒西京病於東帝是蓋過
正之災而非建侯之累也然呂氏之難朝士外
顧宋昌策漢必稱諸侯逮至中葉忌其失節割
削宗子有名無實天下曠然復襲亡秦之軌矣
是以五侯作威不忌萬邦新都襲漢易於拾遺
也光武中興纂隆皇統而猶遵覆車之遺轍養
喪家之宿疾僅及數世姦軌克斥卒有強臣專
朝則天下風靡一夫縱橫則城池自夷豈不危
哉在周之衰難興王室放命者七臣於位者三
子嗣王委其九鼎凶族據其天邑征輦震於閭
宇鋒鏑流乎絳闕然禍止畿甸害不覃及天下
晏然以治待亂是以宣王興於共和襄惠振於
晉鄭豈若二漢階闈蹙擾而四海已沸孽臣朝
入而九服夕亂哉遠惟王莽篡逆之事近覽董

卓擅權之際億兆悼心愚智同痛然周以之存漢以之亡夫何故哉豈世乏曩時之臣士無匡合之志歟蓋遠績屈於時異雄心挫於卑勢爾故烈士扼腕終委寇讐之手中人變節以助虐國之桀雖復時有鳩合同志以謀王室然上非奧主下皆市人師旅無先定之班君臣無相保之志是以義兵雲合無救劫弑之禍民望未改

而已見大漢之滅矣或以諸侯世位不必常全昏主暴君有時比跡故五等所以多亂今之牧守皆以官方庸能雖或失之其得固多故郡縣易以爲治夫德之休明黜陟日用長率連屬咸述其職而淫昏之君無所容過何則其不治哉故先代有以之興矣苟或衰陵百度自悖鬻官之吏以貨準才則貪殘之萌皆如群后也安在

其不亂哉故後王有以之廢矣且要而言之五等之君爲已思治郡縣之長爲利圖物何以徵之蓋企及進取仕子之常志修已安民良士之所希及夫進取之情銳而安民之譽遲是故侵百姓以利已者在位所不憚損實事以養名者官長所夙夜也君無卒歲之圖臣挾一時之志五等則不然知國爲已士衆皆我民民安已受其利國傷家嬰其病故前人欲以垂後後嗣思其堂構爲上無苟且之心群下知膠固之義使其竝賢居治則功有厚薄兩愚處亂則過有深淺然則探八代之制幾可以一理貫秦漢之典始可以一言蔽矣

晉平西將軍孝侯周處碑

君諱處字子隱義興陽羨人也氏胄曩興煥乎

墳典華宗往茂鬱其簡書啟三十之洪基源流
定鼎運八百之遠祚枝葉封桐軒蓋列於漢庭
蟬冕播於陽羨二南之價傳不朽而紛敷大護
之音聲無徵而必顯山高海闊其在斯焉祖賓
少折節早亡吳初召諮議叅軍舉郡上計轉爲
州辟從事別駕步兵較尉光祿大夫廣平太守
父魴少好學舉孝廉吳寧國長奮威長史懷安
錢塘縣侯丹陽西部屬國都尉立節較尉拜裨
將軍三郡都督太中大夫臨川豫章鄱陽太守
晉故散騎常侍新平廣漢二郡太守封關內侯
簪紱揚名臺閣標著風化之美奏課爲能亭亭
孤美灼灼橫劭狗高位於生前思垂名於身後
遂以罕言不違應期出輔洋洋之風俯冠來葉
巍巍之盛仰繼前賢君乃早孤不弘禮制年未

弱冠膂力絕於天下妙氣挺於人間騎獵無疇
時英式慕縱情寡偶俗弊不忻鄉曲誣其害名
改節播其聲譽遂來吳事余厥弟謹然受誨向
道朝聞方勵志而淫詩書便好學而尋子史文
章綺合藻思羅開吳朝州縣交辟太子洗馬東
觀左丞中書右丞五官郎中左右國史靖恭夙
夜恪居官次遷大尚書僕射東觀令太常卿無
難督斥熙庶績朝廷謚寧使持節大都督塗中
京下諸軍事封章浦廷侯國猶多士君實得賢
汪洋廷闕之傍昂藏寮案之上射獸功猶見顯
刺蛟名乃遠揚忠列道自克修義節情還永布
琳琅梓杞珪璧棟梁君著默語三十篇及風土
記并撰吳書於是吳平入晉王渾登建業宮醜
酒旣酣乃謂君曰諸人亡國之餘得無戚乎君

對曰漢末分崩三方鼎立魏滅於前吳亡於後
亡國之戚豈惟一人渾乃大慙仕晉稍遷總統
初入拜諮議郎除討虜護軍新平太守撫和戎
狄叛羗歸附雍士美之轉爲廣漢太守郡多滯
訟有經三十年不決者處以評其枉直一朝決
遣以母年老罷歸尋除楚內史未之官徵散騎
常侍處曰古人辭大不辭小乃先之楚而郡旣
經喪亂新舊雜居風俗未一處敦以教義又簡
尸無主及白骨在野收而葬之然以就徵遠近
稱嘆及居近侍多所規諷遷御史中丞正繩直
筆凡所糾劾不避寵戚梁王彤違法處深文案
之及吳人齊萬年反朝臣惡其強直皆曰處吳
之名將子也忠烈果毅庶僚振肅英情天逸遠
性霞騫陝北留棠遂有二天之詠荆南度虎猶

標十部之書尋轉散騎常侍輕車將軍迴輪出
於新年士女揮淚褰帷望於廣漢雞犬靡喧振
茲威略宣其惠和晉京遙仰部從迎欽是時互
賊作逆有衆七萬屯於梁山朝廷推賢以君才
兼文武詔授建威將軍以五千兵奉辭西討忠
槩盡節不顧身命乃賦詩曰去去世事已策馬
觀西戎藜藿甘梁黍期之克令終言畢而戰自
旦及暮斬首萬級絃絕矢盡番系不救左右勸
退處按劍怒曰此是吾效節授命之日何以退
爲大臣以身殉國不亦可乎韓信背水之軍未
遑得喻工輪縈帶之勢早擬連蹤莫不梯山架
壑襁負來歸戎士扞其封疆農人展其耕織秋
風才起追戰虜於雷霆春水方生揮鍤同於雲
雨立功立事名將名臣者乎元康九年回灰增

加菴捐館舍春秋六十有二天子以大臣之葬
師傳之禮親臨殯壤建武元年冬十一月甲子
追贈平西將軍封清流亭侯謚曰孝禮也賜錢
百萬墓地一頃京城地五十畝爲第又賜王家
田五頃詔曰處母年老加以逆旅遠人朕每憫
念給其醫藥酒米賜以終年以太興二年歲在
己卯正月十日塋於義興舊原南瞻荆岳崇峻
極之巍巍北睇蚊川濬清流之澄澈娶同郡盛
氏有四子靖玘扎碩竝皆志性純孝過禮喪親
墳前之樹染淚先枯庭際之禽聞悲乃下遂作
銘曰

周南著美岐山表靈葉繁漢室枝茂晉庭皎皎
夫子奇特播名幼有異行世存風烈早馳問望
晚懷耿節頗尚豪雄昇名禁闕捨爵策勲允婦

明哲輝赫大晉封豕多故式揚廟略克清天步
海濱旣折江淮竝泝漢水作藩條章斯布俗歌
揆日人謠何暮忠貞作相追蹤絳侯將亭嘉茂
遽掩芳猷潛光陽旬返旆吳丘舊關雖入鄉路
冥浮鑄茲幽石萬代千秋

陸士衡文集卷之十終

陸士龍文集卷一目錄

賦箴

逸民賦 并序

歲暮賦 并序

喜霽賦

南征賦 并序

逸民箴 并序

愁霖賦

登臺賦

寒蟬賦 并序

南 屈 氏 氏

登 臺 湖

新 嘉 坡

登 臺 湖

新 嘉 坡

登 臺 湖

新 嘉 坡

登 臺 湖

登 臺 湖

新 嘉 坡

登 臺 湖

登 臺 湖

新 嘉 坡

登 臺 湖

登 臺 湖



程